

Gyaez, Hawj Saedceij Engq Ndei

□ Luz Gingz / 陆琼

Gyaez, dwg maz? Gou geiq ndaej miz souj go ndeu heuhguh 《Gyaez Dwg Mwngz Caeuq Gou》, ndawde miz coenz vah yienghneix gangj——“Gyaez dwg mwngz caeuq gou, youq cainanh baihnaj mbouj bienq gij dapwnq; gyaez dwg gij fwngz mwngz, menh lumh gij sieng gou……”

Gou nyinhnaeuz, gyaez couhwdw duj va iq ndeu, youq gvangqlangh gij seiqgyaiq baihindaw, gaenq miz baenz cien baenz fanh duj va iq daeuj cang, cij aeu raeuz byaengq da yawj bae, cungj ndaej raen gij gingjsaek hoengzhoengz heuheu, caemhcai ndaej nyouq gij heiq homfwtfwt.

Gyaez hung mbouj miz dieggyaiq, goekgaen dwg daj gij mbouj miz seism soengq hawj, hawj gyaez noengqwt maj maengh. Aen ndwen-cieng neix mbouj bingzciengz, ciengz binghra q ndeu faemxfwg fatseng, gij angqyangz bi moq mbouj ndaej raen lo. Bonjlaiz wngdang dwg gij saedceij ndei daengx ranz vunz doxcomz, hoeng gij hong fuengzgaem dingj binghra q cienzmienh guh hwnjdaeu j, miz geijlai canghyw caeuq husw bae Vujhan gouq vunz, miz geijlai boubing caeuq gingjaz buekmingh hendawz, miz geijlai bouxgagnyienh gag bae okrengz, mbouj rox miz geijlai gyaranz mbouj ndaej doxcomz.

Najdoi q aiq deng lah, mbouj aeu lau, guh ndei gij hong bonjfaenh. Cunch Nanzsan h, gaenq ndaej 84 bi, de heuh gyoengqvunz gaej bae Vujhan, hoeng, de cix doq bae Vujhan, aeu bae yawjyawj gij cingz-gvang gizde. Neix dwg gij hong de aeu guh, mbouj ndaej ndoj mbouj ndaej vut. Huznanz bou husw Huz Bei, youq ranzbinghfuengz gekliz, aenvih daengx ngoenz aeu ywraemx siudoeg, raemxswiqfwngz, vazsifwnj, ciujcingh

cimq dwk, song fwngz de bonjlaiz youh hau youh oi q, seizneix gaenq bienq ndaej mbangqmbatmbat lo. Gij fwngz de hawj vunz daengx guek vunz gamjdoengh caemhcai q sim' in. Husw Cuh Haijsiu bineix ndaej 22 bi, de yaemmuenz bohme h bae cihyenz Vujhan, gicej caijfangj de seiz, heuh de hawj ndawranz bauq bingzan, de mbouj nyienh, ndaw lwgda de miz raemxda gvaengx dwk, de naeuz: “Gou mbouj siengj daej, baez daej gingq-hohda couh deng uq lo, couh mbouj guh ndaej hong lo.” Guengjsae raeuz miz bou husw heuhguh Liengz Yaujyaz, bineix de gaenq ndaej 27 bi, baenzneix coz, hoeng de dingz yamq roengzdaeu j lo. De bae cihyenz Vujhan, aenvih baeg gvaqbou h, laemx roengzdaeu j le, ciengxlwenx ninz gvaqbae lo, caiq hix mbouj rox ndiu lo.

Baihnaj miz canghyw miz husw hendawz, engqlj vutmingh, baihlaeng miz vunz simndei simsienh iet fwngz bae bang.

Sanhdungh bouxsai Lij Baujminz gag nyienh hai ci aiq it cien goengleix soengq baenz dun byaekheu bae Vujhan, gaenq yungh ngoenz he ndwi. Cam de vihmaz nyienh guh gij saeh neix, de naeuz de mbouj miz ngaenz cix ndaej okrengz. Doeklaeng de ndaej song fanh ngaenz dajciengj, de roxnyinh doeksaet youh geizheih, de nyinhnaeuz bonjfaenh cij dwg guh le gienh saeh iqetet he, de naeuz: “Danghnaeuz bouboux cungj nyienh ok di rengz, simsienh bae bang, baenzneix gunnanz caiq hung hix mbouj youqgaen j!”

Miz guek cij miz ranz, neix dwg gij cingsaenz vwnzva conzdungj Cung-guek raeuz. Gyoengq yinghyungz youq cainanh baihnaj, vut ranz iq, goq guek hung, couh yienh' ok le cungj cing-

saenz neix. Aen ranz dwg aen guek ceiq iq, aen guek dwg aen ranz cien fanh comz baenz, aen guek caeuq aen ranz doxing doxlien z.

Gyoengqde caeuq lwgminz sim doxlien z, dawz gij cwzyin hen bek-singq hen guekgya gwed youq gwnz mbaq sw hgeij. Youq cien hoh fanh ranz doxcomz seiz, gyoengqde caeuq vunzranz doxbiek, youq gyoengqvunz cungj ndoj youq ndawranz seiz, gyoengqde enj aek baenaj. Ndigah miz vunz naeuz “gyawz miz maz ndwenngoenz an' onj, cij mbouj gvaq miz vunz bang raeuz rap naek bae gonq ndwi”.

Gyoengqde couhwdw boux rap naek, mbouj cam dailix, gagnyienh vih raeuz youq baihnaj dangj binghra q.

Gyoengqde couhwdw miz cungj saenqniemh neix, mbouj dam haemz-hoj, cij cam ndangdaej boubingh seizneix bienq ndei caengz.

Gyoengqde couhwdw boubing ndeu, mbouj dam yungyiemj, haeb heuj hen youq ceiq naj, mbouj doiq-

dauq yamq he.

Gyoengqde couhwdw miz cungj cingsaenz neix, mbouj cam cien z ngaenz, ngaemgyaeu j guh gij hong ndaw fwngz couh baenz.

……

Sevei yawjnaek yinghyungz cij ndaej mboujduenh ok yinghyungz, bouboux ceng guh yinghyungz cij miz yinghyungz ok baenz bu ek. Gij yinghyungz neix miz lijsiengj, nyienh dawzrap, guekgya couh miz maq-muengh, minzcu z couh miz maq-muengh! Gyoengq yinghyungz dingj-hoenx binghra q, raeuz aeu geiq youq ndawsim, seizseiz naemj seizseiz siengj. Gyoengqde couhwdw gij mbawsiengq seizdaih moq guek raeuz! Raeuz moix boux bouxcoz wngdang daj gwnz ndang gyoengqde sup aeu engq lai rengz, daj giz iq bae hag, daengz seizlawz guekgya, beksingq aeu raeuz okrengz seiz, mbouj aeu ngeix baenz lai, siengj baenz lai, doq guh hwnjdaeu j!



Gwnz bya rangh neix cungj maj rim go' nywj faexcaz miz buenq boub-vunz baenzneix sang, dwg fwnz ceiq ndei diegneix, doenghgij dahsau youq seizhoengq moix ngoenz hwnj bya gvej gorum raemj faexcaz, dak youq gwnz bya geij ngoenz, daengz banringzgvaq, couh dawz cagndaij cug gij rum caeuq faexcaz baenz song gwed, aeu hanzgyaeuq rap roengz bya bae, baij youq aen bakdou ranz caiq dak geij ngoenz dem, couh ndaej doi haeu j ndaw cang bae, ce seizdoeng caeuq seizcin bimoq yungh.

Gyoengqde hwnj bya doxduenq bae, roengz bya hix guhdoi h dauq, ndigah gag gvej nya seiz, bouboux cungj gig nyinhcaen okrengz, lauheiq daengz sat mbouj beij boubwnq lai, deng naeuz yaez lai, doi q gij mingz-daeuz bonjfaenh mbouj ndei.

Lungz Byauh naengh youq gwnz ngafaex muengh coh Siu Cuh, de gungj hwet mbouj dingz gvej, mizseiz hix iet hwet, aeu laengfwngz uet hanh gwnz

· Sawcuenhraez Lwgnye z ·

Gij Golwgnye z Henz Dahhoengz

□ Lanz Haijyangz Moz Beibei / 蓝海洋 莫蓓蓓

najbyak, beizbeiz byoem najbyak, doeklaeng youh gip hwnj fagcaxfwnz laebdaeb guhhong. Miz geij baez Lungz Byauh lai hnaeuz de fatyienh sw hgeij lo, aenvih lwgda de yawj coh gofaex hung baihneix daeu j, de cix mbouj yawj coh gwnz gofaex, hoeng hix hawj Lungz Byauh gag simvueng swdswd.

Ndae j yienghneix caenhcingz cim bouxgyaez gvej nya, Lungz Byauh roxnyinh gig rimhoz, cijaeu ndaej gwq yienghneix yawj, de couh mbouj miz maz maqmuengh wnq lo, hix mbouj gamj miz maqmuengh engq lai. Hoeng, youq gwnz ngafaex naengh ndaej nanz

le, caekhaex in lo, song ga hix mwnh lo, gwnz ngafaex miz haujlai duzmoed mboujduenh bin de haeb de, de mbouj ndaej gwq naengh youq gizneix lo.

Seizneix, de cij gag roxnyinh deng gwn hoj lo, haindu j doi q gij hengzdoengh bonjfaenh lumj fatbag nei ngeiz hwnjdaeu j: Neix dwg guh maz ne? Sai le geijlai rengz, riengz hwnj bya couhwdw vihliux ndoj youq gwnz gofaex yawj de? Doenghgij ngoenz neix daeu j, vih de raemx ndoet mbouj roengz, haeux gwn mbouj imq, dauqdaej vihmaz?

Siu Cuh daengx roengzdaeu j lo, de naengh youq gwnz rin, aeu mauh-

diemx beiz rumz, haep da yietnaiq yaep he.

Lungz Byauh caez sim cimyawj de, daj gij ngaeuz loq nyengq de yawj bae, ndaej raen laeng buhbeu mbang de gaenq aenvih ok hanh dumz-dwddwd lo, dumz ndaej gaiq hung he, buhbeu gaenjgaen j nem youq gwnz laeng de, ndawsim miz di sim' in cix gangj mbouj ok bak.

“Danghnaeuz de haq hawj gou, gou itdingh mbouj hawj de baenzneix sinhoj.”

Ndawsim de gag ngeix dwk, lumjnaeuz Siu Cuh gaenq dwg yah de lo. (caengz sat)